

諸史考異

諸史考異卷十

臨海洪頤煊撰

魏書下

南幽州

楊播傳椿正光五年尋加衛將軍出除都督雍南幽二州諸軍事本將軍雍州刺史肅宗詔復除椿都督雍岐南幽三州諸軍事本將軍雍州刺史蕭寶夤傳孝昌三年四月除持節都督雍涇岐南幽四州諸軍事征西將軍雍州刺史頤煊案地形志無南幽州隋志北地郡後魏置幽州元和郡縣志文帝大統十四年于今理置南幽州廢帝除南字

番郡

徐州番郡人續靈珍受衍平北將軍番郡刺史頤煊案地形志作蕃郡

監伯陽

李彪傳初受業于長樂監伯陽伯陽稱美之頤煊案儒林董徵傳師清河監伯陽受論語毛詩春秋周易清河長樂二郡相近

管州

高道悅傳高祖甚加悲惜贈散騎常侍帶管州刺史頤煊案地形志無管州崔挺傳敬雍以本將軍出除管州刺史錢云管當作營

三荆

李崇傳東荊州蠻樊安聚眾於龍山崇分遣諸將攻擊賊壘生

擒樊安進討西荆諸蠻悉降頤煊案蠻傳有東荆南荆而無西荆尔朱榮傳仍出魯陽歷三荆悉擁生蠻崔挺傳除孝芬荆州刺史又除都督三荆諸軍事錢氏謂荆州亦稱西荆非是

### 洪始改元

崔光傳鴻乃撰爲十六國春秋勒成百卷鴻經綜旣廣多有違謬至太祖天興二年姚興改號鴻以爲改在元年頤煊案姚興傳天興元年興去皇帝之號降稱天王號年洪始晉沙門法顯傳法顯以宏始二年歲在己亥至天竺天興元年戊戌二年己亥則亦以宏始改元在天興元年唯梁高僧傳鳩摩羅什以僞秦宏始十一年八月二十日卒於長安是歲晉義熙五年此以宏始改元在天興二年

慕容超滅

太宗永興二年慕容超擒於廣固鴻又以事在元年頤熒案太宗紀永興二年是歲司馬德宗將劉裕滅慕容超於廣固宋書高祖紀義熙六年二月屠廣固送超京師斬於建康市義熙六年當永興二年

北巴郡

傅豎眼傳假豎眼征虜將軍持節領步兵三萬先討北巴頤熒案南齊州郡志北巴西郡屬梁州隋書地理志閬內梁置北巴郡

南充州

裴叔業傳寶卷遷叔業本將軍南充州刺史叔業慮內難未已

不願爲南充以其去建鄴近頤煊案南齊書裴叔業傳虜南充州所鎮去彭城百二十里僞兖州刺史孟表固守拒戰孟表傳仕蕭鸞爲馬頭太守太和十八年表據郡歸誠除南充州刺史領馬頭太守鎮渦陽此與地形志南充州正光中置治譙城者不同

### 廣陵寒人

魏承祖封平春縣開國子承祖廣陵寒人也依隨叔業爲趙志左右頤煊案山偉傳元又欲用代來寒人爲傳詔寒人亦謂之寒官孫惠蔚傳魏初已來儒生寒官惠蔚最爲顯達餘見南齊書倖臣傳

### 安固桓陵

涪于誕傳其先太山博人後世居於蜀漢或家安國之桓陵縣  
顧煊案地形志無此郡縣南齊書州郡志益州安固郡有桓陵  
縣安國卽安固之譌

### 南冀州

路恃慶傳思令尋拜征虜將軍陽平太守又割冀州之平清河  
相州之陽平齊州之原以爲南冀州仍以思令爲左將軍南冀  
州刺史顧煊案當作冀州之東清河相州之陽平齊州之平原  
傳寫脫誤也地形志無南冀州平原郡下云武泰初立南冀州  
永安中罷州隋書地理志武陽郡聊城舊置南冀州未幾州廢  
辛紹先傳子德孝昌初釋褐後除南冀州防城鎮將與崔道固  
所授之南冀州刺史不同

## 樂陵二郡

朱元旭傳本樂陵人也祖霸真君末南叛投劉義隆遂居青州之樂陵顧煊案地形志滄州有樂陵郡魏初置義興郡青州樂陵郡故千乘地劉義隆置魏因之

## 義州

于時朝廷分汲郡河內二界挾河之地以立義州安置關西歸款之戶除元旭使持節驃騎將軍義州刺史武定三年夏卒于州顧煊案地形志汲郡汲縣陳城興和二年恆農人率戶歸國仍置義州于城中義州興和二年置寄治汲郡陳城

## 秀容郡

余朱榮傳北秀容人也太祖初以南秀容川原沃衍欲令居之



羽健曰臣家奉國給侍左右北秀容既在列內差近京師豈以沃墾更遷遠地顧煊案地形志肆州有秀容郡不言南北下文曾祖鬱德祖代勒繼爲領民酋長高宗末假寧南將軍肆州刺史則肆州所屬之秀容郡卽北秀容也尙朱天光傳建議初除撫軍將軍肆州刺史永安中加侍中金紫光祿大夫北秀容第一酋長尤其明證元和郡縣志秀容縣本漢陽曲縣地開皇十八年于此置忻州又于今西北五十里秀容故城移後魏胡元所置秀容縣于今理屬忻州此卽南北秀容之故址其地相去不遠同在肆州界中

### 西荊州

辛雄傳纂永熙三年除使持節河內太守九月行西荊州事兼

尚書南道行臺尋正刺史時蠻酋樊五能破析陽郡應宇文黑  
獺頤煊案西荊州已見李崇傳地形志析陽郡領東析陽西析  
陽二縣析州所屬皆蠻中郡縣南道行臺卽南中府南安郡以  
下皆屬之

北荊州

詔珍之持節爲廣洛北荊揚雍襄六州慰勞大使北荊鎮城行  
廣州事招納有稱頤煊案地形志北荊州武定二年置不言治  
所隋書地理志襄城郡東魏置北荊州河南郡陸渾又有東魏  
北荊州廣州武定中陷徙治襄城卽南廣州

行字於世

高崇傳恭之字道穆行字于世頤煊案傳永傳字脩期王肅之

爲豫州高祖曰已選傅脩期爲其長史高祖每歎曰上馬能擊賊下馬作露布唯傅脩期耳咸陽王禧傳長子通字曇和陸侯傳咸陽王禧謀反令子曇和先據河內琇聞禧敗斬曇和首寇讚傳時馮熙爲涪州刺史仙勝微能附之皆稱其字

永安五銖錢

道穆表在市銅價八十一文得銅一斤私造薄錢斤餘二百宜改鑄大錢文載年號以記其始則一斤所成止七十六文銅價至賤五十有餘其中人功食料錫炭鉛沙縱復私營不能自潤後遂鑄永安五銖錢頤煊案今所在有之

東豫州十三郡

張普惠傳出除左將軍東豫州刺史淮南九戍十三郡猶因蕭

衍前樊別郡異縣之民錯雜居止頤煊案田益宗傳太和十九  
年都督光城弋陽汝南新蔡宋安五郡諸軍事冠軍將軍南司  
州刺史後以益宗旣渡淮北不可仍爲司州乃於新蔡立東豫  
州以益宗爲刺史地形志東豫州太和十九年置治廣陵城領  
郡六廣陵郡興和中分東豫州置領縣五宋安光城新蔡汝南  
皆南司州舊郡田益宗傳命安蠻太守梅景清安蠻亦嘗置郡  
并之卽十三郡也隋書地理志汝南郡新息後魏置東豫州梁  
改曰西豫州

### 西平原

馮元興傳其世父僧集官至東清河西平原太守昭濟州刺史  
頤煊案地形志有東平原郡而無西平原郡西平原疑卽濟州

所屬之平原郡也

唐州

樊子鵠傳及榮向洛以爲假節假平南將軍都督河東正平軍事行唐州事刺史崔元珍閉門拒守子鵠攻尅之建義初拜平北將軍晉州刺史頤煊案地形志晉州孝昌中置唐州建義元年改孝莊紀建義元年五月乙亥晉州刺史樊子鵠克唐州斬刺史崔元珍是據改後書之

梁國蒙縣

李峻傳字珍之梁國蒙縣人元皇后兄也頤煊案皇后傳文成元皇后李氏梁國蒙縣人母當作頓丘王峻之妹也凡兩言梁國蒙縣人足證李庶家傳梁國家人是梁國蒙人之訛

高平公主

高肇傳尙世宗姑高平公主遷尙書令頤煊案常景傳肇尙平陽公主未幾主薨肇欲使公主家令居廬制服

孫蔚

孫惠蔚傳先單名蔚正始中侍講禁內詔使加惠頤煊案惠蔚與李彪以儒學相知高祖曾從容言曰道固旣登龍門而孫蔚猶沈涓滄朕常以爲負矣

北隨郡

周元明傳太和五年除北隨郡太守頤煊案地形志無北隨郡赭陽武陰

杜纂傳南陽平又詣赭陽武陰二郡課種公田頤煊案漢書地

理志南陽郡有堵陽舞陰二縣堵陽水經清水注引作堵陽武  
陰卽舞陰古字通用地形志無此二郡名高祖紀太和二十二  
年堵陽戍主成公期舞陰戍主黃瑤起當是暫置爲郡故不言

趙郡人

李謚傳涿郡人相州刺史安世之子頤煊案下文兩言趙郡李  
謚相州刺史安世李孝伯傳兄詳子孝伯趙郡人謚亦當爲趙  
郡人涿字譌

觀象賦

張淵傳明占候曉內外星分世祖以淵爲太史令嘗著觀象賦  
頤煊案初學記星第四引作宋張鏡觀象賦文選月賦李善注  
引作張泉觀象賦皆因避唐諱改徐堅以淵爲宋人未知何據

陰貞

周澹傳爲太醫令時有河南人陰貞家世爲醫與澹並受封爵  
顧煊案太祖紀初帝服寒食散自太醫令陰羌死後藥數動發  
當卽其人

南繇

王仲興傳趙郡南樂人也顧煊案地形志南樂屬南趙郡二漢  
屬鉅鹿漢書地理志後漢郡國志鉅鹿郡皆作南繇

常安

劉曜傳曜還都長安自稱大趙顧煊案晉書載記作徙都常安  
小字匄

石勒傳字世龍小字匄勒石虎傳勒之從子也祖曰匄邪顧煊



案晉書載記作石勒初名匄季龍祖曰匄邪匄匄聲之轉而字各異集韻匄人名晉有匄督見石勒載記

慕容皝

慕容廆傳廆死子元真代立元真名犯恭宗廟諱頤煊案恭宗名晃元真名皝凡音同而偏旁異者不諱如顯祖名弘而姚泓不諱是也據宇文莫槐傳元真本名晃故避諱後俗寫改作皝字

發冢

司馬叡傳逸求峻屍弗獲乃發行父母冢剖棺焚屍頤煊案晉書蘇峻傳作乃發庾亮父母墓剖棺焚屍

杜墨騾

劉裕傳休範將杜墨驃又攻新亭東廂豈將顯達率所領至杜  
姥宅破墨驃軍頤煊案宋書桂陽王休範傳南齊書高帝紀俱  
作杜墨叢

勇士城

乞休國仁傳分部內爲十一郡築勇士城以都之頤煊案漢書  
地理志勇士縣屬天水郡

樂都

禿髮烏孤傳天興初烏孤又稱武威王徙治樂都頤煊案漢書  
地理志洛都縣屬上郡

涼州七郡

沮渠蒙遜傳割涼州之武威張掖敦煌酒泉西海金城西平七

郡封王爲涼王頤煊案晉書地理志涼州統郡八此外尙有西郡不在數中當是其時已并省

### 高昌郡

高昌傳漢西城長史戊己校尉竝居於此晉以其地爲高昌郡張軌呂光沮渠蒙遜據河西皆置太守頤煊案晉書地理志無高昌郡呂光載記有高昌太守楊翰沮渠蒙遜載記以熾盤爲高昌太守

### 新陽太守

蠻傳藻又遣其新陽太守邵道林於沔水之南石城東北立清水戍頤煊案南齊書州郡志新陽郡屬監蠻府

### 盤

蠕蠕傳世祖以其無知有類於蟹故改其號爲蠕蠕頤煊案春秋左氏成五年同盟于蟲牢春秋繁露竹林篇作蟲牢蟹卽蟲字

父草馬

父草馬五百匹頤煊案爾雅釋畜馬屬牡曰騊郭璞注今江東呼父馬爲騊牝曰騊注草馬名

犯諱字

宇文莫槐傳與慕容晃相攻擊頤煊案晃字凡五見紀傳晃避恭宗諱皆稱慕容元眞此傳不回換是史之失

南北稱帝

天象志由是魏爲北帝而晉氏爲南帝頤煊案魏收撰魏書以

北爲帝而以晉爲僭收天象志已殘闕後人取張太素書補之  
太素唐人無南北之分故竝稱之爲帝

太史上言

天賜六年六月金火再入太微犯帝座蓬孛客星及他不可勝  
紀太史上言且有骨肉之禍更政立君語在帝紀頤煊案太祖  
紀天賜六年無太史上言

廣平郡治

地形志廣平郡治曲梁頤煊案曲梁廣平郡第五縣其時郡治  
不必在第一縣與後漢郡國志異

受陽

太原郡受陽晉屬樂平頤煊案晉書地理志樂平郡作壽陽

廩陶

鉅鹿郡廩陶二漢晉屬治廩陶城廩遙永安二年分廩陶置治  
楊城頤煊案元和郡縣志平遙縣下云魏以太武帝名肅改平  
陶爲平遙此郡既有廩遙復有廩陶當有舛譌隋志趙郡廩陶  
舊曰廩遙開皇六年改廩陶而不言別有廩陶縣

淇水

武德郡溫有溫淇水頤煊案春秋襄十六年公會晉侯于淇染  
杜預注淇水出河內軹縣東南至溫入河淇水卽淇水之譌淇  
上衍溫字

建州

建州慕容永分上黨置建興郡眞君九年省和平五年復永安

中罷郡置州治高都城頤煊案北齊書神武紀天平元年建州刺史韓賢魏帝忌之故省建州以去賢在五月前旋復建州而志不書

汾州

汾州延和三年爲鎮太和十八年置州治蒲子城孝昌中陷移治西河頤煊案裴延儁傳以良爲汾州刺史值寇亂城民大飢人相食因與賊人奔赴西河汾州之治西河自良始也

梁父菟裘澤

泰山郡梁汶二漢晉屬有菟裘澤頤煊案梁汶是梁父之譌後漢郡國志梁甫侯國有菟裘聚劉昭補注左傳隱公使營菟裘吾將老焉杜預曰南有菟裘城

東平原

東平原郡劉裕置魏因之治梁鄒頤煊案鄒義傳平城豪俱爲  
東平原太守漢書地理志梁鄒屬濟南郡隋書地理志齊郡長  
山舊曰武張置廣川郡并東清河平原二郡入改曰東平原郡  
潁州

鄒州天平初置潁州治長城武定七年改治潁陰城頤煊案楊  
播傳儉後以本將軍潁州刺史尋加散騎常侍平南將軍州罷  
不行

南潁川郡

豫州潁川郡太和六年置頤煊案潁川郡屬鄒州此卽南潁州  
郡韋閻傳崇除南潁川太守郡中大治高祖間而嘉賞鄒義傳



季明武泰中爲亂兵所害追封南潁川郡開國公皆是

### 承城

蘭陵郡治永城頤煊案永城當作承城承是郡第二縣隋書地理志蘭陵舊曰承置蘭陵郡

### 南秦州

南秦州眞君七年置仇池鎮太和十一年爲渠州正始初置洛谷城頤煊案裴駿傳宣出爲征虜將軍益州刺史甚得羌戎之心復晉壽更置益州改宣所蒞爲南秦州洛谷本名駱谷皮豹子傳喜拜爲使持節侍中都督秦雍荆梁益五州諸軍事本將軍開府仇池鎮將詔今更給軍糧一月速于駱谷築城使四月必令成就訖南天水郡民柳旃據險不順喜率眾討滅之南天

水郡卽南秦州所屬之天水郡眞君七年置

安康郡

東梁州安康郡闕置年頤煊案洎于誕傳孝昌三年朝議以梁州安康郡阻帶江山要害之所分置東梁州仍以誕爲鎮遠將軍梁州刺史

巖綠

夏州化城郡復綠縣一本作巖綠頤煊案隋志朔方郡後魏置夏州巖綠縣西魏置弘化郡則作復綠者謫也

高僧裕

律麻志長兼國子博士高僧裕乃故司空允之孫又云前司徒司馬高綽頤煊案高允傳綽字僧裕延昌初遷尙書右丞參議

壬子厯肅宗改名正光厯

華陰公主

禮志華陰公主帝姊也元紹之爲逆有保護功故別立其廟頤煊案道武宣穆皇后傳登國初納爲夫人生華陰公主後生太宗保護事太宗紀清河王紹傳俱不載

新秦侯

散騎常侍都曹尙書新秦侯游明根頤煊案新秦當作新秦游明根傳就拜東兖州刺史改爵新秦侯

桓州白登山

食貨志延昌三年秋桓州又上言白登山有銀鑛八石得銀七兩錫三百餘斤頤煊案後漢郡國志雁門郡平城補注前書高

帝被圍白登服虔曰去縣七里地形志作恆州

### 桑乾郡

靈徵志延昌元年恆州之繁時桑乾靈邱顓煊案地形志恆州無桑乾郡隋書地理志馬邑又有後魏桑乾郡後齊以置朔州北齊張纂傳父烈桑乾太守

### 司州

景明元年司州之潁川汲郡顓煊案地形志洛州太宗太和十七年改爲司州天平初復爲潁川汲郡

### 靈邱郡

太和九年六月司州靈邱廣昌鎮霞霜顓煊案太和十八年遷洛以後以洛州爲司州未遷洛以前以恆州爲司州地形志靈

邱郡屬恆州

諸史考異卷十終

番禺沈葆和初校鄭權覆校

諸史考異卷十一

臨海洪頤煊撰

北齊書

樹生

神武帝紀皇考樹頤煊案魏書高湖傳作第三子謚謚長子樹生樹生長子卽齊獻武王也杜弼傳相府法曹辛子炎諮事云須取署子炎讀署爲樹高祖大怒曰小人都不知避人家諱弼進曰禮二名不偏諱孔子言微不言在言在不言微子炎之罪理或可恕樹下當有生字北史亦作樹生

阿鞠泥

時賀拔允在坐請神武神武拳殿之折其一齒曰阿鞠泥誣下

罔上請殺之頤煊案賀拔允傳字可泥周書作阿泥蓋傳寫有脫譌也

節閔帝

魏普泰元年二月尔朱律度廢元暉而立節閔帝十月壬寅奉章武王融子渤海太守嗣爲皇帝年號中興永熙元年四月神武至洛陽廢節閔及中興主而立孝武頤煊案節閔帝者前廢帝也中興主者後廢帝也孝武者出帝也魏書三帝紀俱不載其諡號

市虎

文襄帝紀遂懷市虎之疑乃致投杆之惑頤煊案梁書侯景傳作遂懷市獸之疑此虎字是後人所改

## 德州

文宣帝紀武定七年梁德州刺史劉領隊以州內附頤煊案梁書敬帝紀德州刺史陳法武地形志無德州隋志平原郡開皇九年置德州是時已有德州在開皇前矣

## 茹茹

天保三年二月茹茹主阿那瓌爲突厥虜所破瓌自殺頤煊案魏書列傳作蠕蠕聲相近

## 顯祖廟號

乾明元年二月丙申葬於武寧陵謚曰文宣皇帝廟號威宗武平初又改爲文宣廟號顯祖頤煊案北史乾明元年二月謚曰文宣皇帝廟號顯祖天統初有詔改謚景烈廟號威宗武平初



又奏復帝本諡廟號顯祖孝昭本紀改乾明元年爲皇建十一月癸丑有司奏顯祖文宣皇帝廟宜奏文正之樂舞光大之舞庚申詔以故太尉河東王潘相樂三人配饗顯祖廟庭北史顯祖皆作高祖文與此異後主紀天統元年十一月庚午有司奏改高祖文宣皇帝爲威宗景烈皇帝文與北史同

### 南膠州

廢帝紀乾明元年四月癸亥詔河南定冀趙瀛滄南膠光青九州顯煊案地形志有膠州而無南膠

### 豐州

武成帝紀大寧元年以豐州刺史婁叡爲司空顯煊案地形志無豐州婁叡傳亦不言爲豐州刺史隋志上黨郡鄉縣又有後

魏南垣州尋改豐州後周廢

北朔州

趙郡王叡傳八年徵叡赴鄴仍除北朔州刺史都督北燕北蔚北恆三州及庫堪以西黃河以東長城諸鎮諸軍事頤熒案范陽王紹義傳周武帝克并州以封輔相爲北朔州總管地形志隋志俱無北朔州之名輔相附見張保洛傳周武平并州卽以爲朔州總管無北字凡漠北諸州以其對南言俱可稱爲北州也

兄兄家家

南陽王綽傳綽兄弟皆呼父爲兄兄嫡母爲家家乳母爲姊姊婦爲妹妹頤熒案琅邪王儼傳阿兄悞何能率左右謂其父武

成也士開謀廢至尊刺家家頭使作阿尼謂胡皇后也願遣姊姊來迎臣姊姊卽陸令萱崔暹傳顯祖嘗問安樂公主達拏於汝何似荅曰甚相敬重唯阿家憎兒亦謂其母

### 潘相樂

潘樂傳字相貴廣寧石門人也樂初生有一雀止其母左肩占者咸言富貴之徵因名相貴後始爲字頤煊案神武紀潘相樂本作道人心和厚文宣紀以潘相樂爲司空詔封潘相樂爲河東王當是初名相樂後省相字

### 涇州

又爲南道大都督討侯景發石龍南度百餘里至梁涇州涇州舊在石梁侯景改爲懷州樂獲其地仍立涇州頤煊案段韶傳

會梁將嚴超達等軍逼涇州韶自將步騎數千人倍道赴涇州  
塗出盱眙隋書地理志江都郡永福縣舊曰沛梁置涇城東陽  
二郡陳廢州并二郡爲沛郡後周改沛郡爲石梁郡涇城郡上  
當脫涇州二字北史作侯景改爲淮州

敕勒

斛律金傳字阿六敦朔州敕勒部人也顓頊案魏書高車傳高  
車蓋赤狄之餘種也初號狄歷北方以爲敕勒諸夏以爲高車  
丁零其種有斛律氏

馬邑縣

庫狄盛傳割并州之石艾縣肆州之平寇縣原州之馬邑縣各  
數十戶合二百戶爲其食邑錢氏云魏隋二志所載原州後爲

平涼郡與馬邑相距甚遠魏志無馬邑縣隋志有馬邑郡而無馬邑縣顧煊案此節文有錯誤當云肆州之平寇縣原平縣馬邑縣各數十戶其地方相合續漢志馬邑縣屬雁門郡後省復置隋改爲郡

是寶

堯雄傳詔雄與廣州刺史趙育揚州刺史是育寶等各總當州士馬隨行臺任延敬顧煊案北史堯雄傳作揚州刺史是寶下文延敬與戰失利育寶各還本州據城降敵亦作是寶魏書官氏志是云氏後改爲是氏周書宇文貴傳作是云寶梁書陳慶之傳作是玄寶玄是云字之譌

東西夏南北華

薛循義傳俄而東西二夏南北兩華及幽州等反叛頤煊案魏書地形志有夏州東夏州華州北華州其以夏州爲西夏華州爲南華俱以相對而名史如此類甚多別有西夏州寄治并州界其相距恐遠

### 牒舍樂

慕容儼傳爾朱將帥義旗建後歸順立功者武威牒舍樂代郡范舍樂亦致通顯頤煊案張保洛傳從高祖出山東又有魏珍段琛牒舍樂尉標乞伏貴和及弟令和王康德並以軍功至大官此爲重複而史失於刪并

### 東冀州

高乾傳父翼拜渤海太守未幾賊徒愈盛翼部率合境徙居河

濟之間魏因置東冀州以翼爲刺史顧煊案魏書崔鑒傳孝昌末冀州流民聚於河外因立東冀州除秉爲刺史地形志無東冀州當是其後省

易陽郡

李元忠傳分廣平易陽襄國南趙郡之中三縣爲易陽郡顧煊案廣平下當脫之字地形志無易陽郡魏郡有易陽縣魏書劉藻傳廣平易陽人是其先屬廣平也隋志臨洛縣舊曰易陽後齊廢入襄國縣置襄國郡當是易陽後廢入襄國郡亦隨改名焉

宛川

魏蘭根傳從行臺蕭寶夤討破宛州俘其人民爲奴婢蘭根辭

曰此縣界于強虜頤煊案北史作宛川地形志無此二縣名隋志陳倉縣後魏曰宛川

樂陵男

崔悛傳悛族子肇師魏尚書僕射亮之孫也父士太諫議大夫肇師襲父爵樂陵男頤煊案魏書崔亮傳士泰以功賜爵五等男不言樂陵

蘭固成

陳元康傳世宗家蒼頭奴蘭固成先掌廚膳甚被寵昵世宗杖之固成因進食置刀于盤下而殺世宗頤煊案文襄紀作梁將蘭欽子京北史固成一名京

臨海鎮



杜弼傳顯祖發忿遂徙弼臨海鎮時楚州人東方白額謀反南北響應臨海鎮爲賊帥張綽潘天合等所攻弼率厲城人終得保全顯祖嘉之敕行海州事卽所徙之州顯煊案地形志海州海西郡有臨海縣當是其時廢爲鎮

敬顯儁

敬顯儁傳字孝英平陽人顯煊案北史作陽平太平人敬使君碑作公名口字顯儁平陽泰平人北史作陽平蓋傳寫訛也以碑考之顯儁釋褐奉朝請孝莊初封泰平縣開國子除晉州別駕後從齊神武起兵以功封永安縣侯食邑千戶孝靜初爲汾州刺史轉晉州刺史拜儀同三司驃騎大將軍潁州刺史大都督潁州諸軍事而傳皆不載知其脫略多矣

万俟普

萬俟普字普撥太平人顧煊案北史作万俟普廣韻二十五德万同墨音注虜複姓北齊特進万俟普俟音其北監本作萬俟普明人之不識字可笑如此

普樂郡

劉豐傳普樂人以守城功除普樂太守顧煊案隋書地理志靈武郡後魏置靈州迴樂縣後周置帶普樂郡地形志靈州郡縣闕普樂郡當在所闕之中

元弼

元弼傳字輔宗魏司空之子顧煊案魏司空下當脫其名魏書濟陰王傳弼父鬱襲位開府爲徐州刺史亦未爲司空弼字豈

明皆與此異

父遵崔社客

李渾傳父遵魏冀州征東府司馬京兆王愉冀州起逆遇害晉  
泰中崔社客反於海岱攻圍青州詔渾爲征東軍都官尙書行  
臺赴援頤煊案魏書李靈傳渾父道字良軌社客崔祖螭小字  
也周書段永傳亦稱青州人崔社客舉兵反皆舉其字

襄城王昶

高德政傳楊愔書中旨以魏襄城王昶并司空公潘相樂侍中  
張亮黃門趙彥深入通奏事頤煊案魏書孝靜紀作襄城王旭  
及司徒潘相樂

自稱其字

王昕傳字元景太尉汝南王悅辟騎兵參軍左右言其誕慢悅作色曰卿是何人獨爲偃蹇對曰元景位望微劣不足使殿下式瞻儀形頤煊案神武紀神武曰此賀六渾之意也此亦自稱其字

高安縣

陸法和傳既入荊州汶陽郡高要縣之紫石山頤煊案南齊書州郡志荊州汶陽郡有高要縣高要卽高安之譌

鄭子默

楊愔傳使薛孤延康買執子默于尙藥局子默曰不用智者言以至於此豈非命也頤煊案孝昭紀作入自雲龍門于中書省前遇散騎常侍鄭子默又執之同斬于御府之內子默名頤以

字行

裴文季

裴讓之傳惜每云此人風流警拔裴文季爲不亡矣頤煊案讓之父佗見魏書良吏傳字元化河東聞喜人文季未知爲何人河間鄭人

鄆鄆傳字子才河間鄆人頤煊案地形志河間郡有鄆縣而無鄆北史鄆爲邯鄲族係鄆河間鄆人魏書邯鄲傳作河間鄆人鄭鄆皆鄭字之譌

梁國蒙人

魏收傳李庶家傳稱其本是梁國家人裴庶譏議云史書不直頤煊案李構傳李平爲陳畱人云其家貧賤故裴等致訟魏書

李平傳字曇定頓丘人也彭城王疑之長子無言其家貧賤事  
彭城王疑見外戚李峻傳峻梁國蒙縣人收傳梁國家人當是  
蒙人之譌當時重地望故以蒙人爲貧賤

### 靈太后

祖珽傳又靈太后之被幽也珽欲以陸媼爲太后撰魏帝皇太  
后故事爲太姬言之頤煊案靈當是胡字之譌太姬卽陸媼穆  
婆提傳穆后立令萱號曰太姬

### 明月謠言

斛律光甚惡之珽因其女無寵以謠言間頤煊案明月謠言斛  
律光傳已載此爲重出周書韋孝寬傳亦載之

### 林慮郡

言史考異卷十一  
赫連子悅傳除林慮太守世宗往晉陽路由是郡因問所不便  
悅荅云臨水武安去郡遙遠山嶺重疊車步艱難若東屬魏郡  
則地平路近頤煊案魏書地形志臨水武安二縣屬魏郡不屬  
林慮當是後所改併

父靈芝

唐邕傳父靈芝魏壽陽令頤煊案新唐書宰相世系表靈芝北  
齊尚書右僕射溫園公

南平原貝丘

崔劼傳本清河人曾祖曠南度河居青州之東時宋氏于河南  
立冀州置郡縣卽爲東清河郡人南縣分易更爲南平原貝丘  
人頤煊案地形志有東平原郡而無南平原貝丘縣屬東清河

不屬東平原與此異

同郡

許惇傳高陽新城人同郡邢邵爲中書監德望甚高惇與競中正頤煊案邢邵傳河間鄭人與高陽同屬瀛州同州而非同郡  
虎字偏旁諱

源彪傳字文宗頤煊案傳皆稱其字而不稱其名蓋唐人避虎字偏旁諱盧叔武傳北史作叔彪其避諱與此同

睦豫

睦豫傳字道閑趙郡高邑人父寂梁北平太守錢氏云廣韻睦字下不云又姓它書亦未見睦姓者然諸本皆從目旁頤煊案魏書有逸士睦夸傳慕容寶傳有中書令睦窵字懷道卽夸父



皆目旁

節下

孟業傳魏彭城王韶拜定州除典籤對曰業以微細伏事節下  
頤煊案晉書呂光載記間堅寇晉光欲更須後命部將進曰節  
下受任金方赴機宜速宋書劉穆之傳公沂流遠代而以老母  
稚子委節下陳書高祖紀節下奉辭伐罪故當生死以之隋書  
百官志諸王境內稱之曰殿下公侯封郡縣者境內稱之曰第  
下節下之稱亦由是也

成安令

路去病傳擢爲成安令京城下有鄴臨漳成安三縣並設之下  
舊號難治頤煊案隋書百官志齊制鄴臨漳成安三縣令並置

丞地形志魏尹有鄴臨漳二縣而無成安元和郡縣志高齊文宣帝分鄴縣置成安縣

阿那瓌

高阿那肱傳肱至長安封郡公爲隆州刺史誅雖作肱字世人皆稱爲瓌音頤煊案周書王謙傳作隆州刺史阿史那瓌隋書梁睿傳謙又令高阿那瓌等攻利州

諸史考異卷十一終

番禺沈葆和初校鄭權覆校

諸史考異卷十二

臨海洪頤煊撰

周書

薛瑾

文帝紀齊神武畱其將薛瑾守關而退頤煊案北齊書神武紀作命行臺尚書長史薛瑜守潼關

東雍州

魏廢帝三年正月改東雍爲華州頤煊案隋志京兆郡鄭縣後魏置東雍州并華山郡西魏改曰華州又有絳郡後魏置東雍州後周改曰絳州此卽地形志所載之東雍州與此別

淮州

東荆爲淮州淮州爲純州顧煊案隋志淮安郡後魏置東荆州西魏改爲淮州桐柏縣梁置曰淮安并立華州西魏改州爲淮州後改爲純州

梁州

東梁爲金州南梁爲隆州北梁爲靜州顧煊案隋志西城郡梁置梁州尋改曰南梁州西魏改置爲東梁州尋改爲金州巴西郡梁置南梁北巴州西魏置隆州唯北梁未詳所在元和郡縣志劔南道靜州本漢羣陵縣地天授元年于此置靜州疑卽其舊地

西益東巴

西益爲利州東巴爲集州顧煊案隋志義城郡後魏立益州世

號小益州梁曰黎州西魏復曰益州又改曰利州魏書傳豎眼傳尋假鎮軍將軍都督梁西益巴三州諸軍事卽此隋志漢州郡離江縣後周置集州本在巴東不言東巴州史之畧也

### 沙州

沙州爲深州頤煊案沙州有二隋志蒲圻縣梁置上雋郡又有沙陽縣置沙州州尋廢地形志沙州蕭衍置魏因之治白沙關城任果傳伯父褒龍驤將軍新巴南安漢廣三郡守沙州刺史二沙州其地不同

### 巖州

義州爲巖州頤煊案隋志汲郡東魏置義州魏郡林慮縣開皇十六年置巖州許善心傳出除巖州刺史

温州

新州爲温州江州爲沔州顧煊案隋志安陸郡京山縣梁置新州西魏改爲温州陳書周文育傳高祖以侯瑱據温州南史作江州蓋温州本江州地

陵州資州

孝閔帝紀元年正月於劔南陵井置陵州武康郡置資州顧煊案隋志隆山郡西魏置陵州資陽郡西魏置資州元和郡縣志陵州因陵井以爲名陵井者本沛國張道陵所開故以陵爲號後魏廢帝二年析武康郡之陽安縣置資州視隋志爲詳

南寧州

武帝紀保定元年九月南寧州遣使獻滇馬及蜀鎧二年十月

分南寧州置恭州頤煊案新唐書地理志南寧州漢夜郎地武德元年開南中因故同樂縣置卽宋齊志之寧州後沒入蠻中故隋志開邊縣有恭州而無南寧新唐志南寧州在羅廩州之列

### 夕惕若厲

三年詔曰惟斯不安夕惕若厲頤煊案淮南人間訓漢書王莽傳風俗通義說文惕字注及張衡思元賦引易皆曰夕惕若厲得此知河北所行本亦作夕惕若厲

### 尉遲勤

建德六年正月尉遲勤擒齊主及其太子恆于青州頤煊案北齊書幼主紀作爲周將尉遲綱所獲綱本傳天和四年已薨于



京師不與此役勤綱之子也

### 豐州

越王盛傳大象元年詔以豐州武當安富二郡邑萬戶爲越頤煊案令狐整傳除整豐州刺史豐州舊治不居人民賦役參集勞逸不均整請移治武當詔可其奏隋志武當縣舊置武當郡又梁置興州後周改豐州安富疑卽安福梁置曰廣福并爲郡當是避隋諱改爲安富

### 澧州

代曩王達傳所管澧州刺史蔡澤頤煊案郭彥傳孝閔帝踐阼出爲澧州刺史蠻左生梗未遵朝憲隋志澧陽郡平陳置松州尋改爲澧州不言後周置者蓋攷之不審也

二十州

賀拔岳傳永熙二年孝武詔岳都督二雍二華二岐四梁三益巴二夏蔚寧涇二十州諸軍事頤煊案魏書賀拔岳傳作二益巴蔚寧下有南益二字依此傳改作二益巴恰二十州若增南益則多一州矣傳寫當有舛譌

昌平

寇洛傳上谷昌平人也頤煊案地形志昌平縣屬平昌郡不屬上谷

玉壁城

王思政傳仍鎮弘農思政以玉壁地在險要請築城卽自營度移鎮之遷并州刺史仍鎮玉壁頤煊案元和郡縣志玉壁故城

言  
在稷山縣南十二里魏文帝大統四年東道行臺王思政表築  
玉壁城因自鎮之後置爲勳州郭賢傳尋出爲勳州刺史鎮玉  
壁韋孝寬傳保定初以孝寬立勳玉壁遂于玉壁置勳州是也  
固道氏

豆盧寧傳魏恭帝三年武興氏及固查氏魏大王等相應反叛  
頤煊案氏傳作固道氏魏天王等隋志河池郡梁泉縣後魏置  
郡曰固道則作查字者譌

### 沙文方三州

永恩武成元年遷都督利沙文三州諸軍事利州刺史錢氏攷  
異云趙剛傳孝閔帝踐阼出爲利州總管沙利方渠四州刺史  
沙方文三州不見於隋志頤煊案雀猷傳及太祖崩始利沙興

等諸州阻兵爲逆隋志武都郡長松縣西魏置初曰建昌置文  
州同昌郡封德縣後周置又立芳州芳卽方矣皆與利州相近  
樹頰

楊忠傳因家于神武樹頰焉頰煊案地形志神武郡作殊頰  
信州

乃授忠都督三荆二襄二廣南雍平信隨江二郢浙十五州諸  
軍事錢氏攷異云隋志梁于巴東郡置信州此時亦未屬魏不  
知忠所督置于何所頰煊案武帝紀天和六年四月信州蠻渠  
冉祖喜冉龍驤舉兵反靜帝紀大象二年分潼州管内新遂普  
合及瀘州管内瀘戎六州並隸信州總管府隋志巴東郡梁置  
信州後周置總管府錢氏說誤

同州

梁同州刺史柳仲禮畱其長史馬岫守安陸自率兵騎一萬寇襄陽頤煊案文帝紀梁司州刺史柳仲禮隋志安陸郡梁置南司州治安陸縣同州當是司州之譌

幽州

乃拜總管涇幽靈雲鹽顯六州諸軍事涇州刺史錢氏攷異云幽州與涇絕遠當是幽字之譌頤煊案地形志靈雲顯三州皆在汾并二州與幽州北界相近魏書李訢傳父崇爲北幽州刺史當卽此州

李虎

尉遲綱傳大統元年從儀同李諱討曹泥破之頤煊案文帝紀

作儀同李虎令狐德棻撰周書唐人當避唐諱唯此傳尙存其舊餘凡作李虎者皆後人所改

東雍州

楊寬傳弘農華陰人也五年除驃騎大將軍開府儀同三司都督東雍州諸軍事東雍州刺史卽本州也頤煊案隋志鄭縣後魏置東雍州并華山郡西魏改曰華州地形志華陰屬華山郡故其時以東雍爲本州

何以守位曰仁

蘇綽傳何以守位曰仁頤煊案陸德明釋文作曰人注云王肅卞伯玉桓元明僧紹作仁此河北本亦作曰仁

甌山城

李賢傳乃遷江夏民二千餘戶以實安州并築甌山城頤煊案  
隋志普安郡梁置南梁州後改爲安州沔陽郡甌山縣後周置  
卽此城

涪陵郡

陸騰傳涪陵郡守簡休祖又據楚向臨容開信等州地方二千  
餘里阻兵爲亂頤煊案辛慶之傳時臨信楚合等諸州亦多從  
逆隋志無向州當是合字之譌宕渠郡墊江縣西魏置容州容  
山郡

西江州

賀若敦傳巴西人譙淹據南梁州與梁西江州刺史王開業共  
爲表裏扇動羣蠻頤煊案隋志清江郡巴山縣梁置宜都宜昌

郡縣後周置江州沔陽郡飯山縣梁置梁安郡西魏改曰魏安郡置江州魏廢帝三年改江州爲沔州此卽西江州矣

陽周

郭賢傳趙興陽州人也頤煊案地形志作陽周

南幽州

韋孝寬傳父旭建義初雍州大中正永安二年拜右將軍南幽州刺史頤煊案南幽當作南幽魏廢帝三帝改南幽爲幽州隋志北地郡後魏置幽州西魏改爲幽州省南字

韓陵

趙善傳天光拒齊神武于寒陵頤煊案當作韓陵

務州



元定傳祖比類魏安西將軍務州刺史頤煊案北史作婺州地形志無此二州名當是豫字之譌

### 高梁

楊樹傳正平高梁人頤煊案地形志作高涼屬高涼郡又正平河北南涉二絳建州大寧等城並有請爲內應者南涉北史作南汾大寧地形志作泰寧

### 邵州

又於邵郡置邵州以樹爲刺史頤煊案隋志垣縣後魏置邵郡及白水縣後周置邵州

### 儻城郡

韓盛祖與魏儻成郡守頤煊案楊乾運傳儻城興勢人也隋志

漢州郡興勢縣舊置儻成郡地形志不載崔猷傳卽以猷爲都督梁利等十二城白馬儻城二防諸軍事其時郡已廢爲防矣

拓州

裴俠傳出爲郢州刺史尋轉祈州刺史頤煊案北史作拓州隋志夷陵郡梁置宜州西魏改曰拓州

中華郡

令狐整傳拜御正中大夫出爲中華郡守頤煊案隋志富平縣舊北地郡後周改曰中華郡

洵州

寇儁傳子奉位至儀同三司洵州刺史頤煊案泉企傳蠻帥杜清河自稱巴州刺史以州入附改巴州爲洵州隋志西城郡金

川縣後周置洵州尋廢元倕傳有洵州刺史宜都郡公元顥子

### 臨信楚合開通六州

辛慶之傳族子昂天和初陸騰討信州羣蠻歷時未克高祖詔  
昂使與通渠等諸州運糧饋之時臨信楚合等諸州亦多從逆  
昂令老弱使還巴州萬榮郡於是遂募開通二州得三千人直  
趨賊壘頤煊案隋志巴東郡梁置信州後周置總管府臨江縣  
後周置臨州巴郡梁置楚州涪陵郡西魏置合州清化郡舊置  
巴州永穆縣有萬榮郡西流縣西魏又置開州通州郡梁置萬  
州西魏曰通川卽通州之譌

### 東徐州

韓雄傳除東徐州刺史東魏東雍州刺史郭叔畧與雄接境頤

煊案下文世宗二年除使持節都督中徐虞洛四州諸軍事中州刺史徐卽東徐四州地當相近隋志絳郡後魏置東雍州河東郡河北縣舊置河北郡明帝紀置虞州河南郡舊置洛州新安縣後周置中州唯不載東徐州治所地形志東徐州治下邳城其相距恐遠

### 南洛州

泉企傳大將軍王雄南征上津魏興仲遵率所部兵從雄討平之遂於上津置南洛州以仲遵爲刺史頤煊案王雄傳大統七年雄率軍出子午谷圍梁上津魏興明年克之以其地爲東梁州二州同時並置隋志上洛郡上津縣舊置北上洛郡梁改爲南洛州非也

直州

李遷哲傳安康人也除直州刺史卽本州也頤煊案隋志安康縣齊置安康郡後魏置東梁州後蕭詧改直州

上甲郡

扶猛傳上甲黃土人頤煊案隋志西城郡黃土縣西魏置濟陽郡後周郡省入甲郡置縣曰黃土豐利縣梁置南上洛郡後周省入上津郡後又廢入甲郡皆無上字

青州

世爲渠帥猛梁大同中出爲青州刺史轉上庸新城二郡守頤煊案隋志眉山郡西魏曰眉州後周曰青州

邑陽

陽雄傳上洛邑陽人也。頤煊案隋志上洛郡上洛縣舊置上洛郡。不言邑陽縣。弘農郡朱陽縣舊置朱陽郡。後周郡廢。有邑陽縣。則朱陽廢後邑陽屬上洛也。傳又云前後增邑四千五百戶。世襲邑陽郡守。則邑陽又置爲郡矣。皆隋志所不載。

### 平州

又侵陷南郡之當陽臨沮等數縣。詔遣開府賀若敦潘招等討平之。卽以其地置平州。以雄爲刺史。頤煊案隋書地理志南郡當陽縣。後周置平州。領漳川安遠二郡。

### 李寶鼎

熊安生傳東魏天平中受禮於李寶鼎。頤煊案李鉉字寶鼎。見北齊書儒林傳。馮偉傳少從李寶鼎遊。學鮑季詳。傳少時恆爲

李寶鼎都講皆稱其字

### 基平都三州

蕭歸傳高祖詔以基平都三州歸之於歸頤煊案隋志竟陵郡  
豐鄉縣西魏置又置基州南郡當陽縣後周置平州領漳川安  
遠二郡竟陵郡樂鄉縣舊置武寧郡西魏置都州又紫陵縣西  
魏置華陵縣後周改名焉其城南面梁置都州

### 信州

蠻傳信州舊治白帝騰更於劉備故宮城南八陣之北臨江岸  
築城移置信州又以巫縣信陵秭歸並是峽中要險於是築城  
置防以爲襟帶焉頤煊案隋志巴東郡梁置信州後周置總管  
府巴東縣舊曰歸鄉梁置信陵郡又巫山縣秭歸縣並屬東巴

郡

恆陵

獠傳天和三年梁州恆校獠叛總管長史趙文表討之頤煊案趙文表傳作恆陵

南洮州

羌傳大統四年以命定爲南洮州刺史後改洮州爲岷州仍以命定爲刺史頤煊案隋志臨洮郡後周武帝逐吐谷渾以置洮州在此南洮後臨洮縣西魏置曰溢樂并置岷州不云洮州改落叢郡

氏傳世宗時興州人段吒及下辯柏樹二縣民反相率破蘭皋戊氏酋姜多復率廚中氏蜀攻陷落叢郡以應之頤煊案隋志



順政郡後魏置東益州西魏改爲興州鳴水縣西魏置曰落叢  
並置落叢郡

諸史考異卷十二終

番禺沈葆和初校鄭樵覆校

諸史考異卷十三

臨海洪頤煊撰

隋書上

平原太守

高祖紀煨生平原太守烈烈生寧遠將軍禎頤煊案周書楊忠傳作祖烈龍驤將軍太原郡守父禎以軍功除建遠將軍官號與此不同

尉遲迴

韋孝寬破尉遲迴於相州頤煊案宇文述傳高祖爲丞相尉遲作亂五行志周大象二年尉遲敗於相州迴本姓尉氏後改尉遲周書皆稱尉遲迴隋書皆稱尉迴下文大定元年二月壬子

今日已前賜姓皆復其舊此在未賜復以前故猶稱尉遲迥

二十郡

以隋州之崇業鄖州之安陸城陽溫州之宜人應州之平靖上  
明順州之淮南土州之永川昌州之廣昌安昌申州之義陽淮  
安息州之新蔡建安豫州之汝南臨潁廣廬初安蔡州之蔡陽  
郢州之漢東二十郡爲隋國頤煊案二十郡所在皆見于地理  
志唯不載土州之永川息州之建安未知是何郡之改隋州崇  
業郡亦不見于志

馬榮伯等六儒

開皇五年四月詔徵山東馬榮伯等六儒頤煊案儒林馬光傳  
字榮伯開皇初高祖徵山東義學之士光與張仲讓孔籠賢士

榮張黑奴劉祖仁等俱至並授太學博士時人號爲六儒北史作詔徵山東大儒馬伯榮等非是

### 民部尙書

六年正月遣民部尙書蘇威巡省山東頤煊案隋書修於唐初應避民字諱百官志又改吏部爲選部戶部爲人部字尙未改新唐書百官志高宗卽位改民部曰戶部北史作戶部尙書蘇威是又據改後書之

### 浙州

十年六月浙江刺史元胄爲靈州總管頤煊案元胄傳歷毫浙二州刺史拜靈州總管地理志浙陽郡西魏置浙州此作浙江是妄人所改

言以未見卷一三  
二  
生日

仁壽三年五月詔六月十三日是朕生日宜令海內爲武元皇帝元明皇后斷屠頤煊案此爲後世重生日之始在唐中宗元宗之前

南蘇道

煬帝紀大業八年左第六軍可南蘇道頤煊案高麗諸道皆本于漢郡縣漢書地理志高駒驪又有南蘇水西北經塞外南蘇道當因此水得名

高陽郡

九年十月改博陵爲高陽郡錢氏攷異云地理志失記頤煊案地理志博陵下不言改爲高陽河間郡高陽縣下云舊置高陽

郡當是其後所改并也

### 德皇帝

禮儀志陳制永定元年武帝受禪明年有事南郊以皇考德皇帝配頤煊案陳書武帝紀永定元年冬十月乙亥高祖卽皇帝位追尊皇考曰景皇帝周太祖皇考武成初追尊曰德皇帝此于陳制稱皇考德皇帝誤甚

### 後齊

北齊籍于帝城東南千畝內頤煊案隋書北齊皆稱後齊此作北齊是後人所改

### 闕戟

皇帝諸侯加以弧韞揚戟頤煊案下文皆作闕戟闕戟卽榮戟

漢書匈奴傳注棨戟有衣之載也

### 翊衣

食命婦歸寧則服翊衣元色頤煊案皇后衣十二等翟衣祿衣  
鷩衣鵠衣鵷衣皆本于爾雅五雉爾雅秩秩海雉郭璞注如雉  
而黑在海中山上此卽改作翊衣說文玉篇俱無翊字

### 樂記

音樂志樂記取公孫尼子頤煊案史記樂書正義其樂記者公  
孫尼子次撰也馬氏意林公孫尼子云樂者先王所以飾喜也  
軍旅者先王所以飾怒也今在樂記中

### 宣業舞

蕭子顯齊書志曰宋孝建初朝議以凱容舞爲韶舞宣業舞爲

武德舞據韶爲言宣業卽是古之大武非武德也頤煊案今南齊志作宣烈舞

盈不足

律厯志七曰盈朒以御隱雜互見頤煊案九章算術作盈不足以御隱雜互見周禮保氏九數鄭司農注亦作贏不足

劉焯卒

其開皇十七年所行厯術命冬至起虛五度後稍覺其疎至大業四年劉焯卒後乃敢改法又四年駕幸汾陽宮太史奏曰日食無效帝召焯欲行其厯會焯死厯竟不行頤煊案劉焯傳大業六年卒時年六十七

日景



天文志攷靈曜周髀張衡靈憲及鄭玄注周官並云日景于地  
千里而差一寸頤煊案辨正論卷五宋何承天與智嚴慧觀法  
師共爭邊中法師云西域之地夏至之日日正中時豎木無影  
漢國影臺至期立表猶餘陰在依算經天上一寸地下千里何  
乃悟焉一本作立夏之日

蘭欽反

中大通六年四月丁卯熒惑在南斗其年十二月北梁州刺史  
蘭欽舉兵反後年更爲大同元年頤煊案武帝紀蘭欽攻漢中  
在大同元年十一月

北營州

建德七年十二月癸丑流星大如月是月營州刺史高寶寧據

州反頤煊案周書武帝紀作建德六年十二月北營州刺史高  
寶寧據州反

呼楊爲羸

五行志時人呼楊姓多爲羸者頤煊案文選祭顏光祿文李善  
注郭璞三蒼解詁曰楊音盈匡謬正俗文曰俗呼姓楊者往往  
爲盈音有何依據荅曰按晉灼漢書音義反楊惲爲由嬰如此  
則楊姓舊有盈音蓋是當時方俗未可非也

麟遊太守

恭帝義寧二年麟遊司馬太守武獻羊羔生而無尾頤煊案元  
和郡縣志麟遊縣本漢杜陽縣地隋于此置仁壽宮義寧元年  
獲麟于公所因廢宮置立郡縣地理志不載

蔡法度

刑法志梁武帝時欲議定律令得齊時舊郎濟陽蔡法度家傳律學于是以爲兼尙書刪定郎使損益舊本以爲梁律天監二年四月法度表上新律又上令三十卷科三十卷帝乃以法度守廷尉卿顧煊案經籍志梁律二十卷梁義興太守蔡法度當是其後所歷官也

劉訥

百官志以太學博士劉訥兼殿中都顧煊案劉臻傳有劉訥者亦任儀同俱爲太子學士

陸始

陸始名公之弟位居納言曲蒙優禮方有斯授顧煊案陸始歷

吏部尙書晉書附見其父陸玩傳

### 國主稱臣

諸王公侯國官皆稱臣  
顧煊案宋書劉穆之傳先是郡縣爲封國若自吏相並於國主稱臣去任便止至世祖孝建中始革此制爲下官致敬

### 南新豐

地理志渭南縣後魏置渭南郡西魏分置靈源中源二縣後周郡及二縣並廢入焉  
顧煊案元和郡縣志後魏孝明帝于今縣東南四里置渭南郡及南新豐縣西魏廢帝二年改南新豐爲渭南縣志不載

### 湫谷

安定郡臨涇縣大業初置初曰秋谷尋改焉頤煊案秋當作湫  
元和郡縣志隋大業元年于今縣理置湫谷縣取縣內湫谷爲  
名

廣閭

靈武郡靈武縣後周置曰建安開皇十八年改建安爲廣閭仁  
壽元年改名焉頤煊案元和郡縣志開皇十八年改爲大潤縣  
當因避隋諱改

鄯州

西平郡舊置膳州頤煊案膳當作鄯地形志鄯州郡縣闕元和  
郡縣志後魏孝昌二年立鄯州

冥安

敦煌郡常樂縣後魏置常樂郡後周併涼興大至冥安閭泉合  
爲涼興縣錢氏攷異云冥安當作宜安頤煊案漢書地理志續  
漢志皆作冥安應劭曰冥水出北入其澤元和郡縣志晉昌縣  
本漢冥安縣因縣界冥水爲名也晉書地理志作宜安當是傳  
寫之譌

### 閭鄉

河南郡閭鄉縣舊曰湖城開皇十六年改焉頤煊案元和郡縣  
志周明帝二年置閭鄉郡閭鄉本湖縣鄉名閭古文聞字也說  
文從門旻聲開皇三年廢閭鄉郡移湖城縣于今所改名閭鄉  
縣

### 白狗堆

汝南郡真陽縣又有白狗縣梁置淮州後齊廢州以置齊興郡  
頤煊案地形志西淮州蕭衍置魏因之治豫州界白狗堆卽此  
城

長淵

弘農郡長泉縣後魏曰南陝西魏改焉頤煊案元和郡縣志長  
水縣後魏宣武帝分盧氏東境置南陝縣西魏廢帝改爲長淵  
義寧元年以犯高祖廟諱改爲長水此作長泉亦避唐諱改

內鄉

淅陽郡內鄉縣舊曰西淅陽郡西魏改爲內鄉頤煊案元和郡  
縣志後魏于此置淅陽郡廢帝改爲中鄉縣隋開皇三年以避  
廟諱改爲內鄉

魯州

東平郡後周置魯州尋廢頤煊案上文襄城郡魯縣後魏立魯陽郡後置魯州大業初州廢二州地相近不應同名錢氏以魯陽之魯州爲廣州之譌其說是也

貴鄉

武陽郡貴鄉縣東魏置頤煊案元和郡縣志貴鄉縣本漢元城縣地後魏孝文帝分置貴鄉縣地形志天平二年分館陶置

曲沃

絳郡曲沃縣後周置建德六年廢頤煊案此文有脫誤地形志正平郡曲沃縣太和十一年置

太平



太平縣後魏置頤煊案元和郡縣志後魏太武于今縣東北二十七里太平故關城置秦平縣周改秦平爲太平

伍城

文城郡伍城縣後魏置曰刑軍縣改爲伍城後又置伍城郡開皇初郡廢頤煊案元和郡縣志後魏于此置作城郡領京軍縣孝文帝改京軍縣爲作城縣開皇三年廢作城郡地形志作五城郡五城縣永安中置

善陽

馬邑郡善陽縣後齊置縣曰招遠大業初改曰善陽頤煊案元和郡縣志大業元年改爲鄯陽縣

永年

武安郡永年縣舊曰廣平置廣平郡後齊廢北廣平郡及曲梁廣平二縣入仁壽元年改廣平爲永年頤煊案元和郡縣志高齊文宣帝省典梁置廣年縣仁壽元年改廣年爲永年避煬帝諱也

昔陽

趙郡鼓城縣開皇十六年分置晉陽縣十八年改爲鼓城頤煊案元和郡縣志隋開皇六年置昔陽縣十八年改爲鼓城縣水經濁漳水注昔陽城本鼓聚作晉陽是傳寫之譌

維州

北海郡北海縣開皇十六年分置維州大業初州廢頤煊案維當作維元和郡縣志開皇十六年又于此置維州取界內維水

爲名大業二年廢濰州

魯郡

魯郡舊兗州大業二年改爲魯郡顧煊案元和郡縣志大業元年于兗州置都督府二年改爲魯州三年改爲魯郡博城縣下云大業初州廢卽魯州之改爲魯郡也志脫魯州之置錢氏引王劭舍利感應記以爲當置秦州是誤證

南陽

宣城郡涇縣平陳省安吳南陽二縣入焉顧煊案南齊志宣城郡無南陽縣當是廣陽避隋諱改作南陽

新會郡

南海郡新會縣舊置新會郡平陳郡廢又併益允永昌新建熙

潭化召懷集六縣爲封有堯十二年改爲允州頤煊案此節文有舛譌宋齊志新會郡有新熙而無新建十二年前上當稱開皇有堯二字係涉含涯縣有堯山而譌

### 樂陽郡

鬱林郡樂山縣梁置樂陽郡頤煊案元和郡縣志陳于此置樂陽郡

### 南司州

永安郡黃陂縣後齊置南司州後周改曰黃州頤煊案元和郡縣志黃陂縣本黃城鎮周大象元年改鎮爲南司州

### 湘陰縣

巴陵郡湘陰縣梁置岳陽郡及羅州陳廢州及湘陰入岳陽縣

尋改岳陽爲湘陰顧煊案元和郡縣志宋元徽二年分益陽羅  
湘西三縣立湘陰志失載

諸史考異卷十三終

番禺沈葆和初校鄭權覆校

諸史考異卷十四

臨海洪頤煊撰

隋書下

宋衷

經籍志梁有漢荊州五業從事宋忠注周易十卷頤煊案陸德明釋文序錄宋衷注九卷字仲子南陽章陵人後漢荊州五等從事七志七錄云十卷五業是五等之譌忠衷古字通用

伏曼容

梁有臨海令伏曼容注周易八卷頤煊案梁書伏曼容傳作臨海太守

張譏

周易講疏三十卷陳詒議參軍張機撰頤煊案陳書本傳作張  
譏撰周易義三十卷

諡法

大戴禮記十三卷梁有諡法三卷後漢安南太守劉熙注亡頤  
煊案大戴禮記本有諡法篇白虎通號篇引禮記諡法仁義所  
生稱王諡篇引禮記諡法強理勁直曰武故志附于大戴禮記  
下劉熙注宋蘇洵撰諡法多引之

續春秋義略

春秋左氏經傳義略二十五卷陳國子博士沈文阿撰王元規  
續沈文阿春秋左氏傳義略十卷頤煊案陳書王元規傳元規  
著春秋發題辭及義記十一卷不言續沈書陸德明經典釋文

序錄左氏梁東宮學士沈文何撰春秋義疏闕下秩陳東宮學士王元規續成之與此合

京相璠

春秋土地名三卷晉裴秀客京相璠等撰頤煊案水經穀水注京相璠與裴司空彥季修晉輿地圖作春秋土地名

孟整

梁有盈氏及孟釐注論語各十卷亡頤煊案孟釐當作孟整經典釋文序錄論語盈氏注十卷孟整注十卷一云孟陋陋字少孤江夏人東晉撫軍參軍不就

齊春秋

齊春秋三十卷梁奉朝請吳均撰頤煊案梁書吳均傳除奉朝



請均表求撰齊春秋書成奏之高祖以其書不實使中書舍人劉之遴詰問數條竟支離無對敕付省焚之坐免職

### 劉景

涼書十卷記張軌事僞梁大將軍從事中郎劉景撰敦煌寶錄二十卷劉景撰頤煊案僞梁當作僞涼劉景本作劉昞避唐諱改魏書有劉昞傳

### 益部耆舊傳

益部耆舊傳十四卷陳長壽撰頤煊案長字衍舊唐志益部耆舊傳十四卷陳壽撰

### 英蕃可錄

英蕃可錄二卷張萬賢撰邵武侯新注頤煊案舊唐志英蕃可

錄事二卷殷系撰與此不同

太康地記

元康三年地記六卷顧煊案元康當作太康舊唐志地記五卷  
太康三年撰宋書州郡志始寧令下三國志孫皓寶鼎二年注  
俱引太康三年地記

西京記

西京記三卷顧煊案周書薛寘傳又撰西京記三卷引據該洽  
世稱其博聞焉舊唐志西京記三卷薛寘志

殷興

通語十卷晉尚書左丞殷興撰顧煊案舊唐志通語十卷文禮  
殷興續

老子節解

老子節解二卷頤煊案經典釋文序錄節解二卷不詳作者或云老子所作一云河上公作

莊子義疏

梁有莊子義疏三卷宋處士李叔之撰頤煊案經典釋文序錄叔之義疏三卷字穆口琅邪人宋處士亦作注

鬼谷子

鬼谷子三卷樂一注頤煊案一當作壹史記蘇秦列傳正義引鬼谷子樂一注舊唐志鬼谷子三卷樂臺注臺卽壹字之譌

靈憲

靈憲一卷張衡撰頤煊案舊唐志靈憲圖一卷張衡撰天文志

衡所鑄圖遇亂湮沒星官名數亦不復存後漢書張衡傳衡著  
靈憲不言有圖

甲子元厯

齊甲子元厯一卷宋氏撰頤煊案舊唐志北齊天保厯一卷宋  
景業撰律厯志後齊文宣受禪命散騎侍郎宋景業造天保厯  
以上元甲子至天保元年庚午甲子元厯卽天保厯宋景業撰  
亭亭白姦法

遜甲九宮亭亭白姦書一卷頤煊案太白陰經神殺門戶篇有  
推亭亭白姦法常以正月加正時神后下爲亭亭寅午戌上見  
孟春木位上是白奸向背擇日篇推亭亭白姦常以月將加時  
辰神后下爲亭亭所在次析十二月時其寅申己亥神后白姦

所在神后時白姦在寅常行四孟亭亭常以白姦因於己亥格于寅申

玉女反閉局

玉女反閉局法一卷頤煊案太白陰經出師安營篇有玉女反閉局法一卷以刀畫地常以六爲數室中六尺庭中六步野外六十步手持六算長一尺二寸假令甲日從甲上入己日從乙上入戊日從東西南北入入局竟從今日日辰起假令子日卽以第一算置子上第二算加丑上第三算加寅上第四算加卯上第五算加辰上第六算加巳上下六持亦依次去便呼云鼠行失窟入市便逐子上算置戌上度算訖大呼云青龍下次移丑上算置卯上六牛入兔塗食時草度訖就便呼云朱雀下次

移寅上算置巳上云猛虎跳鳶來到度算便呼云句陳下次移卯上算置丑上云兔入牛欄伏不起便大呼云白虎下次移辰上算置午上云龍入馬廄因畱止度訖便呼玄武下次移巳上算置申上呼云螣蛇宛轉來度訖便呼云六合下兩算夾一算先成爲天門後成爲地戶所避難出天門入地戶乘玉女上云吉仍呼玉女所在之庚上玉女來護我無令百鬼中傷我敵人不見我以爲米薪狗開天門而閉地戶咒會交手以算閉門而去勿反顧以刀畫地卽地脉不得復見

### 竭伽仙人

竭伽仙人占夢書一卷頤煊案天文類有婆羅門竭伽仙人天文說三十卷此亦婆羅門書也

阮河南藥方

梁又有阮河南藥方十六卷阮文叔撰頤煊案舊唐志阮河南方十六卷阮炳撰文叔當是避唐諱改稱其字外臺祕要引有阮河南方

李陵集

漢騎都尉李陵集二卷頤煊案史通雜說篇李陵集有與蘇武書詞采壯麗音句流麗觀其文體不類西漢殆後來所爲假稱陵作也藝文類聚文選注太平御覽引有李陵與蘇武書蘇武報李陵書李陵重與蘇武書當在李陵集中

辛德遠

晉臨海太守辛德遠集五卷梁四卷頤煊案舊唐志辛昞集四

卷德遠卽昞字晉書孫恩傳臨海太守辛景皆避唐諱改

### 江智深

宋北中郎長史江智深集九卷并目一卷頤煊案智深本作智淵宗著有傳舊唐志江智泉集十卷皆避唐諱改

### 梁明帝

煬帝蕭皇后傳梁明帝歸之女也頤煊案周書蕭歸傳歸在位二十三年五年五月薨其羣臣葬之于顯陵諡曰孝文皇帝廟號世宗外戚蕭歸傳作梁之臣子諡曰孝明皇帝

### 升遷伯

李穆傳又別封一子爲升遷伯穆讓兄子軌許之頤煊案周書李賢傳作孝軌開府儀同大將軍升遷縣伯孝穆傳亦作穆請



通封賢子孝軌

新固

王世積傳闡熙新固人也頤煊案地理志朔方郡長澤縣西魏置闡熙郡地形志闡熙郡太和十二年置領山鹿新固二縣玉篇固古文國字

美陽伯

蘇威傳周太祖時襲爵美陽縣公頤煊案周書蘇綽傳子威嗣襲爵美陽伯

楊遵彥

李德林傳任城王湝爲定州刺史舉秀才王因遺尙書令楊遵彥書云云頤煊案北齊書楊愔字遵彥盧思道薛道衡傳俱稱

左僕射楊遵彥

滕穆王

滕穆王瓚傳字恆生一名慧高祖母弟也周世以太祖軍功封  
竟陵郡公頤煊案周書楊忠傳子堅嗣弟整整弟惠大象末大  
宗伯竟陵縣公慧惠古字通用

寮允

牛弘傳安定鶉觚人也本姓寮氏父允魏侍中工部尙書臨涇  
公賜姓爲牛氏頤煊案周書高賓傳又有安定寮允本姓牛氏  
歷官侍中驃騎大將軍開府儀同三司工部尙書臨涇縣公賜  
姓宇文氏子弘大象末復姓牛氏北史其先避難改姓遼氏

順攷古道

堯舜至聖猶攷古道而言頤煊案尙書堯典曰若稽古帝堯鄭  
康成云稽古同天言堯同於天也王肅云堯順攷古道而行之  
此亦同于王肅

廬州總管

韓擒傳于是拜爲廬州總管委以平陳之任頤煊案陳書後主  
紀作京口總管韓擒虎

任蠻奴

擒以精騎五百直入朱雀門陳人欲戰蠻奴攜之曰老夫尙降  
諸君何事眾皆散走頤煊案陳書任忠傳小名蠻奴臺城陷其  
年入長安隋授開府儀同三司卒時年七十七

王述

王長述傳京兆霸城人也祖罷魏太尉頤煊案周書王罷傳孫述字長述蓋以字行

### 彭陽縣公

合狐熙傳襲爵彭陽縣公邑二千一百戶頤煊案合狐熙碑亦作襲爵彭陽公邑二千一百戶北史合狐熙傳作彭城傳寫之謬

### 李元操

李孝貞傳字元操開皇初拜馮翊太守爲犯廟諱于是稱字頤煊案高祖紀祖靈遠將軍禎孝貞避嫌名諱故改稱字王劭傳有家著齊書爲內史侍郎李元操所奏文學傳序趙郡李元操皆舉其字

裴讞之

薛道衡傳河東裴讞目之曰白鼎遷河朔吾謂闕西孔子罕值其人今復遇薛君矣頤煊案北齊書作裴讞之附見裴讓之傳

魏史

魏澹傳詔澹別成魏史澹自道武及恭帝爲十二紀七十八傳別爲史論及例一卷并目錄合九十二卷頤煊案經籍志後魏書一百卷著作郎魏彥深撰魏收書撰于北齊天保二年以東魏爲正統故止于孝靜帝澹書撰于隋受禪初年以西魏爲正統故止于恭帝此兩書所以不同也

蕭修

劉行本傳行本起家武陵國常侍遇蕭修以梁州北附遂與叔

父璠同歸于周頤煊案周書劉璠傳作益州刺史蕭循

### 慕容三藏

慕容三藏傳燕人也父紹宗齊尙書左僕射東南道大行臺三藏武平初襲爵燕郡公周武帝授開府儀同三司開皇十年以功授大將軍十五年授疊州總管頤煊案北齊書慕容紹宗傳長子士肅以謀反伏誅士肅弟建中襲爵武平末儀同三司隋開皇中大將軍疊州總管三藏卽建中之字其官位皆相合

### 柳霞

柳莊傳祖季遠梁司徒從事中郎父遐霍州刺史頤煊案周書本傳作柳霞父季遠梁臨川王諮議參軍宜都太守

### 渾象

宇文愷傳昔張衡渾象以三分爲一度頤煊案天文志延熹七年太史令張衡更以銅製渾天儀以四分爲一度

### 熒陽

王劭傳大象元年夏熒陽汴水北有龍鬬熒字三火明火德之盛也頤煊案玉篇熒字注亦作熒陽縣漢韓勅後碑劉寬碑陰鄭烈碑皆作熒陽唐盧藏用紀信碑亦作熒陽地理志作滎陽堯受命

袁充傳唐堯景辰生景子年受命頤煊案史記帝堯本紀集解皇甫謐曰堯以甲申歲生甲辰卽帝位律厯志引竹書紀年堯元年景子與此同

### 皇甫誕

皇甫誕傳字元慮安定烏氏人也高祖受禪爲兵部侍郎出爲  
魯州長史頤煊案皇甫誕碑字元憲安定朝那人授廣州長史  
洛州刺史

辛彥之傳人云潞州刺史辛彥之有功德造此堂以待之頤煊  
案潞州當作洛州

是察阿黨

何妥傳孔子云是察阿黨則罪無掩蔽頤煊案月令孟冬之月  
是察阿黨則罪無有掩蔽山井鼎攷文引古本足利本作是月  
也察阿黨宋板以下諸本皆脫月也二字據此傳則經本無月  
也二字山井鼎之言不足爲據蔡邕王肅云月令周公作此以  
爲孔子之言亦異



章仇太翼

盧太翼傳本姓章仇氏煬帝卽位賜姓爲盧氏頤煊案經籍志風角七卷要候一卷章仇太翼撰柳肅傳劉臻嘗進章仇太翼于宮中房陵王勇傳瀛州民章仇太翼皆舉本姓

倭國

倭國傳在百濟新羅東南水陸三千里頤煊案梁書作倭國倭委古字通用

孟秉

字文化及傳鷹揚郎將孟秉頤煊案煬帝紀作鷹揚郎將孟景

王充

王充傳頤煊案王世克因避唐諱闕世字紀傳中又皆稱王充

何也

諸史考異卷十四終

番禺沈葆和初校鄭權覆校